

15. august 2025

UKA 2025/53

Inatsisartut suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

**Meeqqanik kinguaassiuutitigut atornerluinerup annikillisarnissaa siunertaralugu meeqqanik kinguaassiuutitigut atornerluisartut sakkortunerusumik pineqaatissinneqartarnissaat aammalu meeqqanik kinguaassiuutitigut atornerluisartut pinngitsaaliisummik nakorsarneqartarnissaat annertunerusumik ukkatarineqassanersut apeqquteqaat aallaavigalugu oqallinnissamik siunnersuut.**  
(Inatsisartunut ilaasortaq Bo Martinsen, Demokraatit)

Oqaatigeriiginnarlara; una siunnersuut meeqqanik kinguaassiuutitigut atornerluinerup pinaveersaartinneranut taamaallaat tunngassuteqanngitsoq. Tamatta isumaqatigiissutigaarput, meeqqanik kinguaassiuutitigut atornerluisarneq ajorluinnarpoq sapinngisarpullu tamaat, siusinaartumik suliniuteqarnernut sulissaagut aamma pinaveersaartitsinernut allanut.

Isumaqqanngilangali, isumaqatigiittugut, qanoq inuiaqatigiittut suliniassalluta sakkortunerusumik pineqaatissiinissanut aammalu pinngitsaalisaa sumik meeqqanik kinguaassiuutitigut atornerluisunik nakorsaanissamut. Isumaqqarpunga, pingaartuusoq aamma taassuma ilanngunnissaa. Inngimmut inissillugu, taamaaliornitsigummi atornerluisussaagaluit pinngitsoortissagatsigit, meeqqanik kinguaassiuutitigut atornerluisut parnaarunneqarpata. Aaammalumi taamaappoq, arlaatigut meeqqanik kinguaassiuutitigut atornerluisartoq pinngitsaalisaa sumik nakorsarneqassappat atornerluisup kajumissusaanik tissanneranillu suujunnaartitsisinnaagutta.

Politiit ukiumoortumik 2024-imut nalunaarusiaat malillugu 2024-imi meeqqanik innarliinerit 193, tassani pinngitsaaliilluni atoqateqarneq, meeqqanik 15-nit inorlugit ukiulinnik atoqateqarneq aammalu kannguttaalliorfigineqarnerit. Tanna appariarneruvoq 249-runit nalunaarutigineqarsimasunik 2023-imi, annertussusaali sulii amerlavallaarujussuarput<sup>1</sup>.

Meeqqat kinguaassiuutitigut atornerlunneqqanngisaannarnissaannut illersorniarlugit taamaattumik uanga isumaga malillugu pisariaqartoq inunnut meeqqanik kinguaassiuutitigut atornerluinermik kajumissusilinnut sakkortunermik suliniuteqarnissap eqqarsaatiginissaa. Uanilu eqqarsaatigaara sivisunerusumik isertitsisarfimmiititsineq aammalu pingitsaaliisummik nakorsartinnerit.

Nunani arlalinni nakorsartinnikkut kinguaassiuutitigut atuinissamut kajumissuseerutsitsisarneq atorneqartarpoq nammineq kajumissutsimik imaluunniit kinguaassiuutitigut pinerliisimasutut

---

<sup>1</sup> Ukiumut nalunaarusiaq 2024 Grønlands Politi



eqqartuussamut katsorsaatit ilaattut. Nakorsartinnikkut kinguaassiuutitigut atuinissamut kajumissuseerutsitsisarnerup kingunerisarpaa angutit suaassusaannik akerliusunik nakorsaatitornermik kinguneqartarpoq, kinguaassiorsinnaanermut piumassutsimik apparsaataasartoq angutit suaassusaata annikillisarneratigut. Taakku nakorsaatit pissusissamisut utertinneqarnissaannut ilisimatusarnernilu arlalinni nalilerneqarlutik taamaaliornerup nangeqqiinerit annertuumik annikillissinnaagaat. Assersuutigalugu nalunaarusiaq innersuussinnaavara "The World Federation of Societies of Biological Psychiatry (WFSBP) 2020 guidelines for the pharmacological treatment of paraphilic disorders". Nalunaarusiaq taanna peqqissaarussanik kanngutsaatsuliornernik napparsimasunut nakorsaasinnaanermik siunnersuutininik imaqarpoq, tassani ilaallutik antiandrogen aamma GnRH-analoger inunnut kinguaassiuutitigut atornerlueriaannaasutut pasinartunut. Taanna nunarsuatsinni ilisimatuunit suliarineqarsimavoq isumaqarpungalu, meeqqanik atornerluinerup amerlassusaanik apparsaaniarnermut ilisimasanik periarfissanillu aallerfigisinnaalluinnaripput<sup>2</sup>.

Isumaqarpunga, maani nunatsinni katsorsaariaatsit taama ittut ammaffiginerusariaqarigut. Immaqa misiliutaasumik iperagaangallarnissamut piumasaqaataasinnaapput? Imaluunniit uteqqiannginnissaat anguniarlugu suliniutit ilaattut iperagaanerup kingorna isigineqarsinnaallutik?

Taamaaliornissaq ersarissunik inatsisitigut sinaakkusersuinerimik nakorsaasersuinerimillu pisariaqassaaq, taamaattorli siammasinnerusumik upalungaarsimanissamut pingaarutilittut inissisimassallutik, meeqqanik atornerluinerimut meeqqat illersorumallugit.

Nakorsartinnikkut kinguaassiuutitigut atuinissamut kajumissuseerutsitsisarneq kisimi qaquguluunniit kisimiitillugu atorneqanngisaannassaaq aaqqiissutivittullu atorneqassanani. Oqaloqatiginninnernik suliniuteqarnernik tapertaqartinneqartuaannassaaq.

Tassungalu ilutigalugu meeqqanik atornerluisartut eqqartuussaareernikut atornerlueqqinnissamullu ulorianaateqartut piffissaligaanngitsumik imaluunniit sivisuumik tigummigallarneqarnissaannut periarfissat misissortariaqarpagut. Isumaqaramami, ullumikkut meeqqanik atornerluisut meeqqaninggaanniit ikiornerusarigut. Soorlu oqartunga; meeqqanik atornerluisoq paarnaarussivimmiitilluni, pineqartoq nutaanik innarliinaviangilaq.

Naggataatigullu pingaaruteqarluinnarpoq, inunnut meeqqanik atornerluinissamut kajumissuseqartunut tarnikkut eqqarsartaatsikkullu nakorsarneqarnissamut neqeroorutiginarartut nukittorsarnissaat. Tassani eqqarsaatigaakka inuit, sulii atornerluinikuunngitsut, aammalu pineqaatissinneqareersimasut. Siusinaartumik, ilusilersorluakkamillu nakorsaanerit ilaatigut pinaveersaartissinnaavaat, takorluuinerit piviusunngortinneqarnissaat taamaaliornikkullu meeqqat inuunermik sinnerani kingunerlutsitsisinnaanerat atornerlunneqarnerup kingunerisaanik pinngitsoortillugit.

---

<sup>2</sup> "The World Federation of Societies of Biological Psychiatry (WFSBP) 2020 guidelines for the pharmacological treatment of paraphilic disorders"  
[https://wfsbp.org/wp-content/uploads/2023/02/Thibaut\\_TG\\_Paraphilias\\_2020.pdf](https://wfsbp.org/wp-content/uploads/2023/02/Thibaut_TG_Paraphilias_2020.pdf)



Qilanaaraara, partiit sinneri Naalakkersuisullu sammisamut mianernartumut qanoq isumaqarnersut tusassallugit.